



U skladu sa članom 3. i 5. Programa utroška sredstava od koncesija za 2018. godinu (u daljem tekstu Programa) a u okviru pozicije: Transfer Zavodu za planiranje i izgradnju po osnovu koncesija”, ekonomski kod: 614 300, u iznosu od **1.200.000,00 KM**, Zavod za planiranje i izgradnju općine Kakanj podnosi Općinskom vijeću

IZVJEŠTAJ

o realizaciji Programa utroška sredstava od koncesionih naknada za 2018. godinu

U tabelarnom prikazu navedeni su projekti koji su obuhvaćeni Programom utroška sredstava od koncesionih naknada za 2018. godinu broj: 01/1-16-7/18 od 30.01.2018. godine i projekti obuhvaćeni Odlukom o izmjeni i dopuni Programa broj: 01/1-23-290/18 sa podacima o projektima, kako je prikazano u tabeli:

REDNI BROJ	NAZIV PROJEKTA	Planirano po Programu (KM)	Realizovano po Programu KM	Stepen realizacije projekta
1.	Učešće u sanaciji, rekonstrukciji i proširenju glavne gradske saobraćajnice u ulici A.Izetbegovića	425.000,00	284.304,04	Projekat realizovan
2.	Rekonstrukcija lokalnog puta Zgošća- Tršće (nepredviđeni radovi)	30.000,00	00.000,00	Projekat realizovan
3.	Izgradnja dionice ceste D.Kakanj-Kondžilo sa nadzorom- I faza	425.000,00	0,00	Projekat nije realizovan
4.	Hitne intervencije	10.000,00	10.264,24	Realizovano
5.	Projektovanje i nadzor	10.000,00	8.154,90	Realizovano
6.	Vanredno održavanje lokalne ceste Zgošća- Tršće (Sanacija klizišta i odrona na lokalitetu Crnačka stanica)	300.000,00	00.000,00	Realizacija projekta u završnoj fazi
	UKUPNO:	1.200.000,00	302.723,18	25,23 %

OBRAZLOŽENJE:

Zavod za planiranje i izgradnju općine Kakanj, kao implementator Programa, počeo je sa aktivnostima odmah po usvajanju Programa koji je usvojen 30.01.2018.godine.

Prioritetni projekte za realizaciju u 2018. godini bili su sljedeći:

1. Učešće u rekonstrukciji i proširenju glavne gradske saobraćajnice u ulici A.Izetbegovića

Projekat je realizovan.

Nakon niza žalbi na tendersku dokumentaciju tokom 2017. godine nastavljen je postupak javne nabavke i u 2018. godini i uspješno okončan.

Projekat je ugovoren i realizovan tokom 2018. godine a ukupan ugovoreni iznos radova je 1.845.354,79 KM. Radovi su finansirani od strane viših nivoa vlasti (300.000,00 KM) te sa više pozicija u Budžetu: Program TE, koncesija i zaštite okoliša. Neizmireni dio obaveza prema izvođaču radova planirat će se kroz Programe za 2019. godinu.

Zbog slabijeg priliva sredstava u budžet po osnovu koncesionih naknada, iznos koji je teretio Program koncesija od 425.000,00 KM nije u potpunosti ispoštovan.

2. Rekonstrukcija lokalnog puta Zgošća-Tršće – nepredviđeni radovi

Projekat je realizovan.

Nakon završetka radova na rekonstrukciji ceste Zgošća- Tršće često je dolazilo do manjih i većih odrona na cestu. Planirani iznos od 30.000,00 KM je bio nedovoljan za ove intervencije. Zbog slabijeg priliva sredstava u budžet po osnovu koncesionih naknada, ovi radovi su plaćeni sa drugih budžetskih pozicija.

3. Izgradnja dionice ceste D.Kakanj- Kondžilo sa nadzorom

Projekat nije realizovan.

Prema urađenoj projektnoj dokumentaciji i izdatoj Urbanističkoj saglasnosti cesta jednim dijelom prelazi preko privatnih parcela. Iz tih razloga pokrenuta je procedura rješavanja imovinsko-pravnih odnosa i Općinsko vijeće je na svojoj 12 vanrednoj sjednici dana 12.10.2017. godine donijelo Odluku o utvrđivanju javnog interesa u svrhu izgradnje dionice ceste D.kakanj – Kondžilo kako bi se moglo pristupiti eksproprijaciji zemljišta.

Dana 27.12.2017. godine Općinsko pravobranilaštvo je Službi za imovinsko-pravne odnose i katastar nekretnina podnijelo zahtjev za eksproprijaciju i ista je u završnoj fazi. Služba je završila svoj dio posla ali je pokrenuta žalba jedne od stranaka u postupku i rješava se po žalbi. Kako taj dio procedure nije okončan, nije izdato ni Odobrenje za gradnju bez kojeg nije moguća ni gradnja.

Kada se stvore uslovi za implementaciju, tj. nakon izvršene eksproprijacije i obezbjeđenja svih potrebnih saglasnosti može se pokrenuti procedura javne nabavke za izvođenje radova.

4. Hitne intervencije

Utrošak sredstava koja se odnose na hitne intervencije se provodio sukcesivno tokom godine prema potrebama i zahtjevima MZ-a koji su u zahtjevu izrazili potrebu za građevinskim materijalom a radove su izvodili sami mještani. To su uglavnom manji zahvati koje mještani mogu sami da izvode. Za ovu poziciju proveden je postupak javne nabavke konkurentskim zahtjevom objavljenim na Portalu javnih nabavki dana 12.03.2018. godine za nabavku i isporuku građevinskog materijala, broj nabavke: 1328-7-1-6-3-11/18.

Po završenom postupku zaključen je Ugovor o sukcesivnoj isporuci materijala sa društvom "Sim - Comerc" d.o.o. Kakanj. Ugovor je implementiran tokom godine. U okviru ugovora pozitivno se odgovorilo na zahtjeve MZ-a: TE, Podgora, Krševac, Bukovlje, Bilješevo, Kakanj I i sl.

5. Projektovanje i nadzor

Utrošak sredstava na ovoj poziciji se provodio sukcesivno tokom godine prema potrebama. I implementaciji projekata na terenu. Ugovori za pojedine usluge su sklopljeni na osnovu provedenih postupaka javne nabavke. U okviru ove stavke izvršeno je sljedeće:

- Izrada Revizije projektne dokumentacije za igralište Kučići
- Izrada Elaborata geomehanike za zgradu socijalnog stanovanja u Doboju
- Nadzor nad izvođenjem radova na glavnoj gradskoj saobraćajnici.
-

6. Sanacija klizišta i odrona na lokalitetu Crnačka stanica

Projekat je u završnoj fazi implementacije a radovi se izvode u skladu sa urađenom projektom dokumentacijom od strane „Modus-projekt“ d.o.o. Kakanj iz aprila 2018. godine. Radove izvodi društvo „Trgošped“ d.o.o. Kakanj sa kojim je sklopljen ugovor na osnovu Okvirnog sporazuma o redovnom i vanrednom održavanju cesta na području općine Kakanj.

Zbog slabijeg priliva sredstava u budžet po osnovu koncesionih naknada, plaćanje izvedenih radova nije izvršeno u 2018. godini te će se planirati kroz Program za 2019. godinu.

OBRADIVAČ:

Zavod za planiranje i izgradnju općine Kakanj

PREDLAGAČ:

v.d.Općinskog načelnika

